



## Finné na Staire: An Saol in Éirinn sna 1900idí luatha

### STAIR AGUS DRÁMAÍOCHT

#### Réamhrá

Cabhróidh an ghníomhaíocht seo leis na daltaí a scileanna teanga ó bhéal agus smaointeoireachta cruthaithí a fhorbairt tríd an drámaíocht.

#### Gníomhaíocht – Gníomhaíocht Drámaíochta

Taispeáin an dá ghrianghraf thíos do na páistí.



**Léaráid A:** Teaghlach i dTionóntán sna 1900idí luatha



**Léaráid B:** Teaghlach Saibhir sna 1900idí luatha

Foinse: Ionad Cuairteoirí Ard-Oifig an Phoist: Finné na Staire

- Eagraigh plé gairid leis an rang uile faoin dá ghrianghraf, ag breathnú ar an stádas sóisialta difriúil a bhí ag an dá theaghlach agus ar an gcaoi ar imir sé sin tionchar ar a saol ó lá go lá.
- Iarr ar na daltaí díriú ar thithíocht, éadaí, bia, cluichí agus caitheamh aimsire.
- Úsáidfídh an múinteoir dhá straitéis drámaíochta ansin – léiriú pearsan agus pictiúir reoite – chun go gcuirfidh na páistí fíorspéis sa dá phictiúr.



anpostschoolbag.ie



## Finné na Staire: An Saol in Éirinn sna 1900idí luatha

### STAIR AGUS DRÁMAÍOCHT

#### Léiriú pearsan

- Roinn an rang i ngrúpaí de thriúr. Tabhair Léaráid A do leath na ngrúpaí agus tabhair Léaráid B don leath eile. Iarr ar gach páiste ligean orthu féin gur duine de na carachtair ón léaráid iad .i. an Teaghlach i dTionóntán – Athair, Máthair, Páiste. An Teaghlach Saibhir – Athair, Iníon, Mac.
- Ina ngrúpaí, tabhair cúpla nóiméad do na daltaí an méid a cheapann siad atá ag tarlú sa phictiúr a phlé .i. Céard atá ar bun? Iarr orthu freisin an comhrá idir na carachtair a shamhlú.
- Ansin iarr ar gach grúpa seasamh cosúil leis na carachtair sa léaráid. Siúil timpeall an tseomra agus roghnaigh dalta chun a smaointe a rá os ard mar a charachtar agus fanacht ag seasamh mar sin. Mar shampla, 'Tá ocras orm.' 'An bhféadfainn tuilleadh aráin a bheith agam le do thoil?'. Lean leis an léiriú pearsan sin ag iarraidh ar dhaltaí éagsúla páirt a ghlacadh ann.

#### Pictiúir reoite

- Anois iarr ar na daltaí an méid a d'fhéadfadh tarlú ina dhiaidh sin a shamhlú? Céard a cheapann siad a d'fhéadfadh tarlú ina dhiaidh sin ina léaráid féin? Tabhair cúpla nóiméad dóibh chun é a phlé.
- Ansin iarr ar na daltaí, ina ngrúpaí, pictiúr reoite a chruthú (íomhá a chruthaítear trí sheasamh gan bhogadh), chun an méid a tharlóidh anois a léiriú.
- Mar rang, pléigí na pictiúir reoite dhifriúla, ag fiosrú na gníomhaíochtaí éagsúla ar chuimhnigh gach grúpa orthu.

#### Scríobh faoi!

##### Do ranganna níos óige

Iarr ar na páistí an chaoi ar bhraith siad sna róil éagsúla i rith na gníomhaíochta drámaíochta a phlé. Iarr orthu ceann de na habairtí seo a leanas a scríobh agus pictiúr a tharraingt di.

*'Teaghlach i dTionóntán san am atá thart' nó 'Teaghlach Saibhir san am atá thart'*

Sin nó d'fhéadfaidís cúpla abairt a scríobh faoin bpictiúr reoite a chruthaigh siad ina ngrúpa, agus pictiúr a tharraingt de.

##### Do ranganna níos sine

Iarr ar na páistí an chaoi ar bhraith siad sna róil éagsúla i rith na gníomhaíochta drámaíochta a phlé agus comhrá gairid idir cuid de na príomhcharachtair a scríobh. Is féidir na comhráite sin a úsáid mar scripteanna. Is féidir leis na páistí na scripteanna a léamh agus iad a chur i láthair an ranga nó i láthair grúpaí níos lú.



## Finné na Staire: An Saol in Éirinn sna 1900idí luatha

### STAIR AGUS DRÁMAÍOCHT

#### Gníomhaíochtaí breise molta

- **Eagraigh** turas go dtí Ionad Cuairteoirí Ard-Oifig an Phoist: Finné na Staire, áit ar féidir leis na daltaí níos mó a fhoghlaim faoin saol sna 1900idí luatha in Éirinn – [www.gpowitnesshistory.ie/visit/](http://www.gpowitnesshistory.ie/visit/) larr ar na páistí ceisteanna a réiteach roimh ré.
- **Cuir isteach ar** Chomórtas Lámhscríbhneoireachta An Post/Chumann Múinteoirí Éireann. Úsáid an ghníomhaíocht scríbhneoireachta thuas nó iarr ar do dhaltaí a saothar féin a scríobh i seánra ar bith bunaithe ar an téama 'An Saol sna 1900idí luatha.' Tá tuilleadh eolais ar fáil ar [www.anpostschoolbag.ie/competition](http://www.anpostschoolbag.ie/competition)
- **Tabhair cuairt ar** [www.100objects.ie](http://www.100objects.ie), áit a bhfuil go leor acmhainní stampaí idirghníomhacha ann le haghaidh na ndaltaí. Is féidir leo foghlaim faoi stampaí téamacha, lena n-áirítear 'Stair na hÉireann trína réada.'
- **Iarr ar** na grúpaí na scrípteanna a bhabhtáil agus ansin iad a léamh agus a chur i láthair grúpaí beaga.
- **Iarr ar** na daltaí pictiúr a tharraingt nó a phéinteáil bunaithe ar a bpictiúir reoite. Cruthaigh taispeántas sa seomra ranga a léiríonn na difríochtaí idir an Teaghlach i dTionóntán agus an Teaghlach Saibhir. Dirigh ar na dathanna a úsáidtear chun an dá shuíomh a léiriú.

#### Naisc leis an gCuraclam

##### Stair

- Eolas a chur ar roinnt gnéithe de shaol na ndaoine sna 1900idí luatha in Éirinn
- Tuiscint d'athrú agus do leanúnachas a fhorbairt trí na cosúlachtaí agus na héagsúlachtaí idir an t-am atá thart agus an t-am i láthair a iniúchadh
- Scéalta a léiriú nó a thaifeadadh trí iad a insint nó trí dhrámaíocht
- Gníomhartha agus mothúcháin na bpearsan a phlé
- Cróineolaíocht imeachtaí i scéal a phlé
- Staidéar a dhéanamh ar raon daoine agus imeachtaí san am atá thart chun tuiscint chothrom a fhorbairt ar stair theaghlaigh, stair áitiúil, stair náisiúnta agus stair dhomhanda
- Eolas a chur ar an saol a bhí ag mná, fir agus páistí ó chúlraí éagsúla sóisialta agus cultúrtha

##### Drámaíocht

- A chur ar chumas an pháiste smaointe, mothúcháin agus eispéiris a iniúchadh, a shoiléiriú agus a chur in iúl tríd an drámaíocht
- A chur ar chumas an pháiste comhoibriú le daoine eile agus cumarsáid a dhéanamh leo chun fadhbanna a réiteach sa drámaíocht féin agus trí mheán na drámaíochta
- A chur ar chumas an pháiste dul i dteagmháil go fisiciúil, go hintleachtúil agus go mothúchánach le comhthéacs na drámaíochta ficseanaí agus, trí chomhoibriú le daoine eile, eolas a chur ar a féidearthachtaí chun scileanna iniúchta, cumasaithe agus ionbhá a chothú
- Ionbhá agus comhthuiscint le daoine eile agus, mar aon leis sin, an fhéinmhuinín is gá chun ról nó carachtar duine a ghlacadh air/uirthi féin a fhorbairt
- Cumas a fhorbairt ar oibriú as ról agus i gcomhar le daoine eile, chun na fadhbanna a d'éireodh le linn déanamh drámaíochta a réiteach

##### Gaeilge

- Foghlaim le coinbhinsiún idirghníomhaíochtaí teanga ó bhéal a thuiscint agus teanga ó bhéal a úsáid i gcásanna sóisialta éagsúla
- Iomas, mothúcháin, tuairimí, smaointe agus freagraí a chur in iúl i gcásanna réalaiócha agus samhlacha trí bheith ag caint, trí phlé a dhéanamh agus trí scríbhneoireacht
- Imeachtaí staire a fhiosrú trí thobchumadh